



國家清史編纂委員會·文獻叢刊

五編

清代稿鈔本

第三三三冊

國家清史編纂委員會·文獻叢刊

五編

清代稿鈔本

第二二二册

廣東省立中山圖書館
中山大學圖書館

編

主編 桑兵
副主編 李昭醇 程煥文 劉洪輝

廣東省出版集團
廣東人民出版社
·廣州·

第二二二册目錄

祭振翁于先生文 一

江西大臣傳 附循吏傳忠義傳 二九

祭振翁于先生文

一卷

彭鵬 輯

鈔本

維

康熙三十九年歲次庚辰十一月冬
至後越祭日巡撫廣西等處地方提
督軍務都察院右僉都御史閻受業
彭鵬謹以清酒心香遙哭於

總督河道提督軍務兵部尚書兼都察

院右副都御史振翁于先生之靈曰
嗚呼痛哉先生往矣海內皆知先生
勲名炳天壤在江之南為良二千石為
賢觀察兼下河使者在薊之北為澄
清三輔開府入則為獨坐大中丞為
都統出則再為督理河道尚書師行

則爲督運糧餉總理所至清慎勤加
官保秩正一品 賜第 賜金 賜
貂 賜馬 賜宴 賜食 賜宸翰
天章 賜加等哈哈番以軍功不知
先生以天下爲己任有猷有爲有守立
心制行在古北平馬城之茂宰與在

順天通路之州伯海內皆知先生在
國為矢報蓋臣不知在家為承嗣孝
子皆知先生許國以身不有其家不
知先生貽謀遠大視富貴若淡忘不
為子弟私壟斷皆知先生喜獎後進
拔茅彙茹夾袋中何所不有不知先生

桃李并植薑桂必培皆知先生欽遵
睿筭此路轉運若蕭相國不知先生枕戈
橫劍慷慨請纓皆知先生行人所不能
行言人所不敢言不知先生曰明日
旦翼翼小心而罔敢或苟嗚呼痛哉
先生往矣在天為星辰在地為河嶽

知與不知又何論然先生知鵬也而
謂鵬不知先生忽乎鵬嘗為臨洺宰
矣臨洺距馬城數百里距通潞數十

里先生流風遺愛馬城通潞人誦久

不去口盈耳最洋溢又嘗見先生侍

太翁太夫人承歡若孺子純孝根心若

鍾鼎祿養脩極顯榮其外者也鵬宰
臨洵為先生疏薦第一矣是歲戊辰
行取天下合例有司清苑邵嗣堯與
臨洵例皆不合先生破例薦於朝
以特立獨行如嗣堯如鵬為先生賞
識則所謂亟培薑桂是也先生每言

救荒用兵國之大事開例非得已吾
身爲大臣若乘時利便爲吾兒納官
則富貴壟斷耳吾兒大者世襲次者
入太學令其讀書明理取科名可無
愧不爾亦不失爲端士小者三四皆
幼吾何庸心則貽謀之遠也又聞

天子親征沙漠先生督運與士卒同甘苦
動合機宜又見先生事無論大小必
加恪謹人無分貴賤必與輸誠生平
言德不言怨言善不言惡有容似山
嗚呼痛哉先生每飯不忘

君恩方鵬奉 命觀察南黔值先生奉

命巡撫籤旬臨別教鵬曰吾由降調
邑明府 特陞州大夫由州大夫陞
郡守由郡守躋觀察由觀察兩躋巡
撫總制兩河 本朝希有今爾以降
十二級革職留任之員 擢黃門省
給事以給事從七品驟躋觀察正三

品尤稱異數夫激濁揚清爾之能也
而包荒姑容非爾所能也吾先君撫
直 啓奏日

皇上教以寬而毋刻欽述爾毋忘語畢分
袂去自之黔之粵後書問問郵至真
摯關切而鵬內反無一事一行可報

聖明可對知已署筆每中輟不覺睽違鳴
呼痛哉先生知鵬者也先生知鵬而
謂鵬不知先生忍乎雖然鵬何足以
知先生知先生者惟有

堯舜則哲天地鑒臨方先生之病也長公

欽奉 特旨至清江浦省視又遣